

**22 DETENCION PA CU
 E PARADA GRANDI Y
 7135 FLORIN COBRA
 NA BOET**

**Alerta di tsunami
 despues di terremoto
 nobo di magnitud 6,4
 cu a sakudi Turkia**



Corigiendo e mentiranan di Gerlien y di AVP

**Eddie Briesen no ta
 miembro di bestuur di
 FUTURA y nunca a cobra
 como miembro di raad**



**AMBIENTE
 DI
 CARNAVAL 69**



**Roadjam di Top
 95 fm y su grupo
 di medianan:
 Casper
 Feeling good**

Diadomingo atardi Top fm a anuncia su roadjam pa 2023: a keda den persona di Casper cu su song Feeling Good, Feelin Nice. Masha pabien cu e logro aki. Tabata the best song di carnaval.



Homber cu lo ta practica deporte di bringa a bira di caves



Papilon - Diabierna anochi pasa di 8'or varios unidad policial a sali direccion Papilon, unda un homber lo a "bira di caves" y ta kibrando cosnan den cas.

Ora cu e homber aki cu aparentemente ta practica un deporte di bringa a tende cu polis ta na caminda, e la sali core bay.

Polisnan a mira cu e la sali core bay direccion veld di Estrella y ey ta unda nan a bin top'e y a bay over na detene.

Nan a pidi transportwagen cu a yega y hopi calmo e homber a yega warda.

Segun su version na e cas algo a bay robes y e no a tuma esey, unda cu e ta esun cu a wordo deteni.

Incidente den carnaval cu Grupo Loco Loco Sobrinonan di Leoncita a ranca e cartolina kit'e di e stroller y bay cune

Diadomingo atardi e Grupo Loco Loco a confronta problema den parada.

Na altura di parlamento, algun homber, identifica como sobrinonan di Leoncita, a ataca e carnalista aki den su presentacion comico.

Nan a drenta den carnaval, bay riba e homber y kita e carton. Esaki a causa un incidente cu por poco a bay for di man, y danki na polis cu tabata cerca cu e situacion no a bay for di man.

Pa hopi aña nos conoce gruponan comico cu ta trece temanan actual y tambe rond di politica. Parce cu e mensahe aki lo no a cay den bon tera y a haci nan poco dolor.

Ta di condena cu ta hasi un atentado contra carnaval. Tabata mihor pa a laga e grupo pasa bay sin hasi desordo, pasobra awor el'a bira noticia. Dia 17 di April huez lo dicta sentencia den caso Avestruz unda ta culpa Leoncita y Benny di mega corrupcion cu terenonan di pueblo



Corrigiendo e mentiranan di Gerlien y di AVP Eddie Briesen no ta miembro di bestuur di FUTURA y nunca a cobra como miembro di raad



Despues di a scucha ponencianan di Gerlien Croes riba Eddie Briesen cual despues a wordo ripiti pa nan medionan aliado, SOLO DI PUEBLO a fact check e ponencianan:

1. No ta berdad cu Eddie Briesen ta den bestuur di Stichting Futura y ta cobrando pa esaki. E trabao aki ta sin pago. Pero tambe nos a haya e confirmacion cu Eddie Briesen a retira for di bestuur desde September

2022. E trabao administrativo ta atrasa y mester wordo procesa pa asina su nomber wordo kita na Camara di Comercio. E tabata den e bestuur aki, pero sin pago.

2. Otro mentira ta e ponencia cu Eddie Briesen tin actualmente dos contract cu Gobierno. Esaki no ta berdad. Informe cu nos a ricibi ta bisa cu e tin un solo contrato laboral cu Gobierno. Pues e ta un mentira pa insinua of informa cu ta dos contract.

Notabel ta cu Gerlien Croes diripiente a lanta for di soño pa cuestiona Eddie Briesen, cual e ta welcome pa haci, pero dicen nunca el a cuestiona Paul cu Benny



?

Es decir cu ora algo robes sosode den AVP, Gerlien ta perde lenga ? E ta perde voz? E ora e ta tene silencio? Pero ora ta otro hende, e ora si e ta cuestiona?

Dia 17 di April, sentencia ta cay pa Benny den caso Avestruz. Ningun dia Gerlien a papia di e caso. Ta pasobra su padraso tambe ta hinca den e caso ey di corrupcion ?

Alerta di tsunami despues di terremoto nobo di magnitud 6,4 cu a sakudi Turkia

Personal di departamento di Desastres y Emergencias de Turkia (AFAD) ta busca den e ruinan di un edificio destrui despues di otro terremoto di magnitud 6,4 cu a sacudi provincia de Hatay, na sur di e país, dia 20 de febrero de 2023. –

Un terremoto di magnitud 6,4 a keda registra dia 20 di februario na e provincia di Hatay, na parti sur di Turkia, e mes un zona cu a keda mas afecta pa e temblor di dia 6 di februario cu a laga 41.000 morto, segun agencia cu ta cordina desaster na Turkia, AFAD a raporta. Autoridadnan di Turkia a adverti e poblacion pa nan mantene nan mes aleja di costa di Hatay, ya cu e nivel di awa por subi mei meter despues di e sismo di 6.4.

E temblor nobo aki a keda registra na localidad di Samandag, na 12 kilómetros di costa mediterránea.

No ta dispone di mas datos riba posibel dañonan nobo of victima.

Por lo menos un edificio a colapsa y cay den otro.



MINISTER ENDY CROES A REUNI CU DIRECTIVA DI STICHTING AVONDONDERWIJS ARUBA (SAA)

Diaranson mainta, Minister di Enseñansa Endy Croes a reuni cu directiva di Stichting Avondonderwijs Aruba (SAA), cual ta atende cu Avondmavo y Avondhavo. SAA ta huur e edificio di Educacion Profesional Intermedio (EPI) pa Avondmavo Aruba y edificio di Colegio Arubano pa Avondhavo Aruba. Tanto Avondmavo como Avondhavo tin alrededor di 400 alumno. Durante e reunion SAA a trece diferente peticion dilanti, entre otro, e necesidad grandi cu tin di trahado social (sociaal maatschappelijk werker) y ortopedagogo na Avondmavo y Avondhavo.

Banda di esaki, a dialoga tocante e cantidad di alumno cu mester tin segun ley pa habri un klas.

Ta pidi cooperacion pa habri klasnan mas chikito, mirando cu scol anochi ta diferente cu scol den dia. Muchanan cu a laga scol den dia, ta traha den dia y ta bay scol anochi. SAA lo bin cu un



data pa trata e topico aki pa yega na cualkier compromiso pa scol anochi. Un otro tema cu a trata ta docente di tempo completo. Awor aki SAA ta trahando cu hopi docente di mita tempo. Pa estabilidad SAA ta desea un cantidad di docente di tempo

completo. SAA ta trahando riba un plan cu pronto lo wordo presenta y trata.

Tambe, SAA a trece dilanti cu actualmente nan ta haciendo un acuerdo cu Stichting Voortgezet Onderwijs Aruba (SVOA), pa haya

un pida tereno extra pa traha algun lokaal mas pa Avondhavo. Minister Endy Croes ta habri pa scucha peticion di tur stichting y hunto yega na un acuerdo cu ta beneficioso pa enseñansa di Aruba den su totalidad.


Debi na e scuridad: Kia Sportage a dal contra rotonde

Avenida Nelson O.Oduber - Diasabra marduga den careda di 1'or y 45 mas cu 1 patruya a bay direccion di e rotonde pabou di Citgo Sasaki, eynan un auto a dal contra e rotonde.

Na yegada di polis, nan a mira cu tawata trata di un Kia Sportage maneha pa un cabayero di edad.

E cabayero cu ta e chauffeur no tawata bebi y a conta polis kiko a sosode. Segun su version, e caminda ta scur debi cu gran parti di e Avenida e luznan ta paga.

Yegando e rotonde enbes di bay rond e la bay strit y dal contra e parti abou. Polis a controla e documentonan.



Secretario General di MEP, Endy Croes: Bandido di AVP e siman aki lo mester raporta na KIA pa corrupcion y soborno di 735 mil florin

Carnaval practicamente ta tras di lomba y siman ta habri unda un ex Minister di AVP Paul Croes ta wordo spera na KIA pa sinta su castigo di 3 aña di prison mas 9 aña cu e no por aparece riba ningun lista politico of traha como un ambtenaar. Dia 7 di februari ultimo (5) hues na Hulanda den Cassatie a reconfirma e veredicto y condena anterior di (3) hues di Hoge Beroep y tambe di e prome hues (1) den eerste aanleg. Pues un total di (9) hues a condena Paul Croes di AVP pa ta corrupto. No 1, tampoco 2, pero (9) hues den total. Un cos ta sigur cu (9) hues no por a faya. Tur a haya cu Paul Croes ex Minister di AVP a mal uza su poder pa corumpi comerciantenan a cambio di fabor. Tur a prueba cu e ex Minister di AVP a ricibi masha hopi placa a cambio di duna permiso. Tur a prueba cu e ex Minister di AVP ta hopi corrupto y a comete hopi fraude.

AVP ta e Universidad di Corupcion:

AVP ta bay den historia como e Universidad di

Corupcion. Tur esaki cu pleno conocimiento di Mike Eman. Paul Croes su yamadanan a wordo getap. A pone microchip den su auto, cas y por a scucha tur su combersacionnan. Asina Ministerio Publico (met feiten) a gara Paul Croes di AVP manera djaca grandi den trampa. Lesando e rekisitor y vonnis por a comproba con Paul y su driver tabata abusa di doñonan di supermercadonan Chines. Tur weekend ta pasa busca caha di Amstel Bright, boter di Old Parr y a pidi hopi placa cash a cambio di permiso.

Un ehempel di un passage di e veredicto:

Rekisitor: Pagina 133: Supermarket (Chines) ta declara cu Paul Croes di AVP a manda pidi 50 pak'i tuna, 50 pak'i crab, 50 pak'i cabaron, 50 blek'i oester, 50 blek'i salmou, 10 botri' mayonaise, 50 botri' "bread spread" y 10 botri' oleifi. Declaracion di e Chines. "Ik heb Paul Croes deze goederen cadeau gegeven om het behandelen en versnellen van mijn aanvragen".

Pueblo por puntra Mike Eman ora tope na cualkier actividad of na entiero ta pa ken Paul tabata busca esakinan?

Schrift a comproba con Juancho ta reparti e placa cu Paul di AVP:

Un otro prueba cu a wordo presenta tabata un schrift. Ministerio Publico a haya un schrift di un tal amigo y man drechi di Paul esta un tal Juancho unda tabata tin skirbi na man tur e hendenan cu nan tabata cobra y con Juancho ta reparti e placa cu Paul. Rond 90 mil florin a cobra pa tramita permiso y por a nota cu sumanan grandi a bay pa e ex Minister di AVP. Asina tin hopi corrupcion mas cu a wordo prueba dilanti mesa berde. AVP ta keda un partido di corrupcion y tur siman nos lo keda recorda pueblo di nan hechonan.

Vonnis Pagina 69 ta comproba un suma di Afl.735.199,94

Riba pagina 69 den e sentencia di hues ta ilustra y prueba un suma di Afl.735.199,94 esta 735 mil florin cu a pasa a traves



di Paul Croes ex Minister di AVP su cuentanan bancario. Placa cu el a ricibi a cambio di fabor y duna permiso. Esaki huesnan a yega na dije a traves di e investigacion riguroso financiero cu a tuma lugha riba cuentanan di e ex Minister di AVP bon amigo di Mike Eman.

Paul Croes awor mester raporta e siman aki pa e hotel 5 strea na Santo Patia. Nos por hasta corda con Leoncita di Canal 90 tabata apoya Paul siendo sospechoso. Na 2017, Leoncita via Canal 90 tabata pidi Paul pa sali den parada y campaña sin importa cu nada. Ta manera ta un bananen Republiek Aruba ta.

Leoncita sinembargo pronto lo topa Paul den mesun hotel. Pa Benny Sevinger e Alcapon mayor di AVP tambe tin un "suite" cla na KIA. Poco poco, pero sigur tur e ladronnan di AVP lo wordo desenmascara cu prueba y cu sentencia di hues. Tur esnan cu a lastra hende drechi na nan antoho, awe mester paga pa nan propio fraude y corrupcionnan dilanti mesa berde. Ta esaki ta e AVP cu Gerlien Croes ta brasa? Brasa corrupcion? Dicon Gerlien no ta yama reunion riba corrupcion di AVP? Pues, asina pueblo ta siña conoce ken ta ken. Lamentablemente Mike Eman so nunca tabata sa di nada. AVP nunca pero nunca mas.

—CUERPO POLICIAL TA INFORMA—

22 DETENCION PA CU E PARADA GRANDI Y 7135 FLORIN COBRA NA BOET

Diadomingo mainta pa exactamnete 11:00 SMAC conhuntamente cu Cuerpo Policial a haci inicio na e parada di grandi di Oranjestad. Tabata tin 6 grupo y mas o menos 2200 participante.

Nos a conta cu 225 personal riba pia. Diferente departamento di Cuerpo Policial a traha hunto entre otro Polis Uniforma, ME, Motor Unit, K-9, AE, Mobiel Commando, Flex team, planologie, departamento di

recherche, personal administrativo y tambe personal di CEA.

Pa diadomingo atardi pa 5:10 cabez a jega ex DOW y pa anochi 6:55 e parada a jega su final. Pa 8:15 a kima e momo. E aña aki a conta cu 22 detencion y suma cobra di un total di Afl 7135,-. Aña 2020 tabata tin 27 detencion.

Cuerpo Policial ta satisfecho cu e resultado y e comportacion di esnan cu a bay carnaval.



Kaak di homber kibra, despues di pelea ariba brug na Adriaan Lacle Boulevard



driaan Lacle Boulevard - Diadomingo anochi pasa di 9:30 un ciudadano a mira un persona na sanger, esaki tawata net pabou di Elmar na Playa.

Un patruya a dirigi su mes pa e sitio, cu tawata ariba e brug. Eynan polis a bin topa cu un grupo di persona y mesora a solicita pa mas refuerso.

Tur hende tawata papia door di otro, causando cu polisnan no por a saca afo kiko exactamente a sosode. Berdad nan a haya e persona herida, cu tawata un homber sin t-shirt.

Segun e homber cu tawata muestra di ta bou influencia tambe, cu ta un persona den e grupo lo a maltrat'e.

Pero, polisnan no a detene ningun hende y por a mira e grupo bandona e sitio. Pues si un persona di e grupo ey a maltrata e homber e momento eynan e no a wordo deteni.

Polis mester a pidi pa un ambulance pa duna e homber asistencia medico. A bin resulta cu e homber su kaak ta fractura y tambe e falta un of mas djiente.

E la wordo transporta pa Hospitaal.



VACATURE PROGRAMMACOÖRDINATOR FINANCIËEL BEHEER LAND ARUBA

In 2020 is er een akkoord gesloten tussen Nederland en Aruba over het landspakket. De uitvoering van de maatregelen uit het landspakket geschiedt door middel van thema gebonden hervormingsmaatregelen. De beoogde doelstelling van de geformuleerde hervormingsmaatregelen is het bijdragen aan de bestendigheid van Aruba en in licht hiervan het verwezenlijken van duurzame houdbare overheidsfinanciën.

Landspakket Thema A heeft als beoogde doelstelling: het beheersen en het op orde krijgen van het financieel beheer en het financieel toezicht vanuit de noodzaak om als overheid in control te zijn. De projecten zijn erop gericht om de kwalitatieve verbeterslag van de financieel kolom van het Land Aruba te realiseren.

Programmacoördinator Financieel Beheer

De programmacoördinator Financieel Beheer vervult de centrale rol tussen de diverse aan thema A gerelateerde acties en heeft als hoofdtaak het waarborgen van het behalen van de beoogde eindresultaten.

De organisatie

De Directie Financiën is de directie van de overheid die onder meer belast is met het adviseren op financieel-economisch gebied en het houden van toezicht op de overheidsfinanciën. De taken van Directie Financiën zijn o.a., het beheren van de beleidscyclus, begrotingscyclus, vermogenscyclus, informatievoorziening en controle. Vanuit deze taakstelling, en op basis van de gemaakte afspraken, is het departement medeverantwoordelijk voor de uitvoering van aan Thema A gerelateerde maatregelen van het landspakket. De vacante functie is coördinerend en uitvoerend van aard en valt functioneel onder de leiding van de directeur van Directie Financiën.

De functie

Wij zoeken een deskundige en ervaren programmacoördinator Financieel Beheer, die ons helpt bij de verdere verfijning en invulling van de routekaart, de ontwikkeling van het totale programma en de uiteindelijke aansturing daarvan. De functie is een coördinerende en uitvoerende functie, waarbij de programmacoördinator Financieel Beheer optreedt als meewerkend voorman en actief bijdraagt aan de verdere ontwikkeling van het programma aan maatregelen uit thema A van het Landspakket. Hij doet dit onder leiding van en in nauwe samenwerking met de directeurs van Directie Financiën en de Centrale Accountantsdienst.

In het kader van de uitvoering is de programma coördinator Financieel Beheer o.a. verantwoordelijk voor:

- o De inrichting, in samenwerking met de directeurs van Directie Financiën en de Centrale Accountantsdienst, van de programma-organisatie:
- o De (mede-) beoordeling of de activiteiten in de plannen van aanpak bijdragen aan het realiseren van het doel.
- o Het stakeholdermanagement binnen het programma
- o De periodieke rapportages aan opdrachtgever, waaronder het houden van het overzicht over de programma-organisatie en de (deel-) projecten, hun voortgang en bereikte resultaten
- o Op verzoek draagt de programmacoördinator Financieel Beheer ook inhoudelijk bij aan de bestuurlijke advisering en aan de (mede-) uitvoering van de werkzaamheden rond de routekaart thema A
- o Het coördineren van en toezien op de juiste, tijdige en volledige uitvoering van de werkzaamheden rond de routekaart thema A

Functie-eisen en competenties

- Je hebt minimaal een HBO-diploma en een aantoonbaar academisch werk en denkniveau.
- Je hebt aantoonbare ervaring met verbetervraagstukken rondom financieel beheer en financiële processen, het liefst binnen de overheid.
- Je hebt ervaring met het ontwikkelen en aansturen van complexe, vergelijkbare verandertrajecten.
- Je beschikt over een uitstekende beheersing van de Engelse en Nederlandse taal, in woord en geschrift. Papiamentu is een pré.
- Je bent je bewust van de politiek-bestuurlijke omgeving en weet hier tactisch, creatief en effectief mee om te gaan.
- Je hebt een uitstekend analytisch vermogen, bent resultaatgericht, innovatief en pragmatisch.
- Je bent consistent, empathisch en resultaatgericht
- Sterk in conceptueel denken, in staat om visie en strategie te ontwikkelen en te vertalen naar alle niveaus van de organisatie om het vervolgens met elkaar te realiseren.
- Je beschikt over overtuigingskracht, drukt je mondeling en schriftelijk gemakkelijk uit en je toont daarbij lef en durf.
- Je bent oplossingsgericht, stressbestendig, integer en kunt goed plannen en organiseren.
- Je hebt een goed gevoel voor politieke, bestuurlijke, maatschappelijke en interculturele verhoudingen.
- Je bent samenwerkings- en teamgericht en kunt zaken zowel zelfstandig als in goede samenwerking aanpakken. Je erkent en waardeert daarbij de kracht van een actieve medezeggenschap en stakeholderparticipatie.
- Je bent flexibel, energiek, inspirerend, beschikt over aanpassingsvermogen en bent in staat om te reflecteren op het eigen handelen en de eigen sterke/zwakke punten.
- Je kunt je netwerk goed onderhouden en waar nodig uitbouwen.

Arbeidsvoorwaarden

Het betreft een tijdelijke functie voor maximaal 24 maanden (minimaal 32 uur per week). De arbeidsvoorwaarden zijn conform de landsverordening materieel ambtenarenrecht en bezoldiging conform de bezoldigingsregeling Aruba 1986. Tevens is er de mogelijkheid voor een dienstverleningsovereenkomst.

Een medische keuring, een veiligheidsonderzoek en een referentiecheck maken mogelijk deel uit van de sollicitatieprocedure.

Schriftelijke reacties

Wilt u als Programmacoördinator het Land Aruba dienen en voldoet u aan de eisen? Stuur dan uiterlijk 1 maart 2023 digitaal uw motivatiebrief en curriculum vitae naar d.werleman@finance.gov.aw

Secretario General di MEP: La Reina del Sur Gerlien Croes un parlamentario di pan lefi y mentiroso

Secretario General di MEP a tuma nota cu Parlamentario Gerlien Croes a bisti e sapatonan bieu di Mike Eman y a cuminsa cu e politica di lansa mentira tras di mentira. Nos por corda e politica di Mike Eman, cual ta compara cu Profeta Hananias. Profeta Hananias ta un profeta falso cu tabata gaña y indoctrina su pueblo cu mentira flagrante. Nos a tuma nota cu Gerlien Croes a tuma e corona over di Mike Eman y ta profila su mes awo como La Reina del Sur cu masha hopi mentira. Ta nos deber pa desmantela La Reina del Sur Gerlien Croes su mentirananan.

La Reina del Sur Gerlien Croes cu 12 mentira den un (1) solo comunicado: La Reina del Sur ta un serie, unda e personahe principal ta un señora di baho mundo. Nos por a tuma nota di e atakenan di Gerlien Croes y AVP riba Eddie Briesen. Nos ta compronde cu den politica bo mester tin lomba hanchu. Pero, na momento cu un politico hoben kier bisti e sapatonan bieu di Mike Eman y Henny Eman pa profila y lastra hende cu mentira, manera AVP semper a haci, ta na su luga pa nos responde cu berdad pa kibra e mentirananan di La Reina del Sur. Cu Eddie Briesen tin dos (2) contract (DVO) tanto cu Minister di Energia y Minister di Enseñansa ta un engaño. Esaki ta mentira di la Reina del Sur Gerlien! Eddie Briesen tin un contract (DVO) cu un minister, esta Minister di Enseñansa y ta eherciando e funcion di consehero, 4 ora pa dia. Cu ta paga Eddie Briesen separa di e dos (2) DVO contractnan cu Eddie tin, esaki ta mentira di

La Reina del Sur Gerlien. Eddie tin solamente un (1) DVO y no dos (2). Den otro compania y fundacion ta varia tambe entre 2 pa 3 mil pa luna. Otro mentira di La Reina del Sur Gerlien.

Tempo Eddie tabata den directiva di Futura (cual Eddie no ta mas) esaki tabata "ONBEZOLDIGD", pues sin compensacion. Cu Eddie lo tin un contract gordo na Santa Rosa, esaki tame ta mentira di La Reina del Sur Gerlien. Eddie no tin ningun contract na Santa Rosa y ta reta Gerlien pa bin cu prueba. Segun La Reina del Sur, dia 12 di juli 2022 Eddie Briesen a hit e jackpot, paso Eddie a haya un aumento di 9 mil, paso a hinc'e den 3 directiva. Mentira di La Reina del Sur y kisas e mester ta riba algo straño. Segun Gerlien cu nombramento di e miembronan di directiva ta pasa den Ministerraad. Mentira di La Reina del Sur. Kisas e ta hoben y no sa of ni ta compronde tur proceso ainda. Nombramento di hunta di directiva di RDA NO ta pasa den Consejo di Minister.

Cu Prome Minister kier laba man pa e posicion di Eddie Briesen den FUTURA ta otro Mentira di Gerlien, La Reina del Sur ta wordo desbarata. Desde e luna di october di año 2022, Eddie Briesen no tin dicho funcion cu tabata un funcion sin pago. Segun Gerlien cu banda cu Eddie Briesen tabata consehero di dos (2) minister a dun'e un aumento di 9 mil florin. Mentira flagrante di La Reina del Sur Gerlien Croes. Eddie ta consehero di un (1) minister, ta traha 4 ora pa dia y nunca a ricibi un aumento di 9 mil florin. Actuacion

di Gerlien Croes ta comparabel cu La Reina del Sur, un señora den baho mundo y Gerlien ta compronde e idioma aki bon bon. Puntr'e dicon e no por drenta Merca! No trata di uza strategia kima di AVP, esta pa lastra hende drechi y kere cu haciendo esey bo ta score. Desde Henny Eman, AVP a uza e strategia aki contra Betico y Nel. Nos por corda con Henny tabata gaña cu Betico a cumpra fabrica di chuculati pa 300 miyon na Venezuela, algo cu nunca hamas tabata berdad.

E mesun tono aki Gerlien La Reina del Sur cu ta entrena pa Henny Eman, kier uza awe contra Eddie Briesen. E fli aki no lo subi y nos lo t'ey pa desenmascara bo mesun dia y mesun momento. Kisas por conta pueblo dicon La Reina del Sur Gerlien Croes no por drenta Merca (USA). Nos ta keda en espera di e contesta!



HACI PAGO DI ABONEMENT ONLINE

TA POSIBEL!

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

**DI ANTEMANO,
MASHA DANKI.**

SOLO DI PUEBLO



Stichting Musica ta anuncia e banda musical ganador “Band of the Year”

Basa riba e criteria di Band of the Year cu Stichting Musica a bin ta anuncia anteriormente, un cuerpo di hurado distribui riba e rutan di Carnaval a evalua cua ta e banda cu a contribui mas durante Carnaval 69. E criteria tabata lo siguiente: - E banda mester a participa na Aruba Caiso & Soca Monarch 2023 y/of Festival di Tumba 2023 - E banda mester a participa na entre otro e siguiente paradanan di Aruba su Carnaval 2023 (no ta necesario pa participa na tur parade): Parada di Luz San Nicolas. Lighting Parade Oranjestad, parade di Jouvert Morning, Parada Grandi na San Nicolas y e Grand Parade na Oranjestad - E banda cu e miho animacion den paradanan


- E banda su zonido - Presentacion di e banda su trailer den e paradanan - E banda mester toca e Soca ganador di Aruba Caiso & Soca Monarch 2023 y/of e Tumba ganador 2023. Stichting Musica ta anuncia BAND OF THE YEAR 2023: TSUNAMI

Tsunami a destaca durante di e evaluacion di hurado y como Band of the Year 2023 ta gana e suma di Afl. 5000,- como premio. Por mira cu Tsunami ta haci nan maximo esfuerzo pa mantene un bon calidad di zonido y presentacion, mientras cu nan ta duna bek na e pueblo den forma di gozo y entretenimento.

Un pabien ta bai di parti Stichting Musica pa tur banda musical cu a participa na Aruba Caiso & Soca Monarch 2023 y tambe na e paradanan di Carnaval 2023. Aruba a disfruta di un tremendo temporada di Carnaval cu bunita costumes y excelente musica. Durante nos Grand Parade por a goza di apariencia special di diferente artista popular, entre otro Derwin Kemp y Claudius Philips cu a deleita un y tur.

E Soca ganador a zona riba caminda y laga tur hende “Feelin’ Good, Feelin’ Nice” y asina Stichting Musica ta desea pa Aruba y e seno musical sigi te cu e siguiente temporada, positivo y yen di ambiente!

Kia Sportage v-car a bolter den mondi na Sero Tijshi



Sero Tijshi - Dialuana mainta rond di 9'or y mey polis a bay pura e rotonde di Sero Tijshi cu ta bay pa DTI, unda cu un auto a bolter.

Na yegada di polis nan ta topa cu un Kia Sportage V-19 di Avis, cu a bay cay leu den e mondi. E caminda aki, pues di rotonde Sero Tijshi pa DTI fácilmente bo ta acelera cu bo auto y si bo no pone atencion bo por accidenta.

Parse cu e vehiculo aki tawata coriendo na e parti robes di caminda momento cu e perde

control kita bay na su man drechi bolter bay cay den mondi.

Ambulance a presenta y Paramediconan a opta

pa bay cu e chauffeur Hospitaal pa atencion medico mas avansa.



MINISTER ENDY CROES A REUNI CU SR. JOHN FEARNOW

Recientemente, Minister di Enseñansa y Deporte Endy Croes a ricibi bishita di Sr. John Fearnow di Merca, kende hunto cu su esposa ta eherce e deporte di rolschaats artistico. Nan tabata forma parti di Fédération Internationale de Roller Sports y a yega di participa den diferente competencia di rolschaats. E pareha deportista aki tin un negoshi di rolschaats na Merca, Skate-A-Way South, cual ta brinda diferente servicio, entre otro, ta duna les di rolschaats, ta huur sapato di rolschaats y ta huur pista pa schaats. Además, nan tin diferente pakete pa fiesta y ta organisa diferente tipo di fiesta pa esnan cu ta desea di celebra nan cumpleaños di e forma aki. Banda di esaki, nan tin un negoshi di paña deportivo, The Cricket Loft, cual ta borda paña pa USA Roller Sports. Señor y Señora Fearnow ta bibando pa varios aña caba na Aruba y durante e reunion cu Minister



Endy Croes a presenta nan deseo pa habri un negoshi di rolschaats aki na Aruba. Actualmente, nan ta den e fase di exploracion, wak

e facilidad- y leynan di Aruba. Nan tin deseo di haci un “try out” di 6 luna pa analisa e interes di schaatsmento aki na e isla. Pues,

ohala cu mas adelante, por scucha mas di e iniciativa aki.

Un persona levemente herida despues di accidente na Hato


Hato - Diabierna anochi den careda di 8'or y mey polis a wordo informa di un accidente entre auto cu brommer pazuid di EPB Hato.

E accidente a sosode ariba crusada T pazuid di e scol.

Na yegada di polis e motociclista no tawata na e sitio, parse e lo a core bay busca documento nan di e brommer na Dakota.

E accidente a sosode momento cu e Chevrolet Aveo maneha pa un señora di edad no a duna e brommer preferencia saliendo su dilanti.

Den e auto un persona a



bira malo y pa e motibo aki a pidi pa un ambulance, na yegada Paramediconan a duna e ocupante asistencia.

Daño material tawata minimal, caminda a wordo cera un rato pa polis haci investigacion.

CUERPO POLICIAL ARUBA TA INFORMA 10 PERSONA DETENI PA MANEHA BOU INFLUENCIA



Un biaha unidad motorisa tabata activo riba carteranan di Aruba cu control den trafico dirigi riba maneha bou influencia di alcohol.

Por a tuma nota cu a controla varios chauffeur

y a detene den total di 10 persona, di cual 5 a perde nan rijbewijs.

Locual cu a hala atencion ta cu hoben nan jong den careda di 18 aña ta maneha auto bou influencia di alcohol y ta

perde nan rijbewijs caba.

Nos ta keda haci un suplica pa NO maneha auto bou influencia paso e tin consecuencia pa bo den futuro!

Despues di algun contratiempo imprevisto: WEBSITE OFICIAL DI DEPARTAMENTO DI MUCHA Y HOBEN (DMH) TA ACCESIBEL

For di siman pasa tur cabesante di Centro di Cuido di Mucha por bishita e website www.dmh.aw y aplica pa e permiso temporario di opera un centro di cuido di mucha. Den e sistema di aplicacion digital, lo tin diferente rekesito di e.o. documento y informacion cu mester upload. Ta posibel cu un Centro no tin tur su documentonan ainda prome cu 31 di maart 2023. DMH kier a djis aclarea y enfatisa cu esaki ta dispensabel, mirando cu e meta ta, pa desde awor te 31 di maart 2023, cuminsa traha riba e prome registro nacional di Centro di Cuido di Mucha na Aruba. Tur Centro cu registra prome cu 31 di maart 2023, lo bin na remarca p'e fase di transicion, cu nos a splica na hopi ocasion for di 2020.

PONE ATENCION

1. Tur Centro di Cuido di Mucha su situacion ta diferente! DMH ta purba atende cada Centro su situacion personal. Loke por conta pa Centro A, no necesariamente ta conta pa Centro B. E meta ta, pa nos yuda tur Centro, cu registra prome cu 31 di maart 2023, yega na e exigencianan minimo rekeri, cu ta poni den e documento di Handleiding Kwaliteitseisen Kinderopvang Aruba.
2. Mester upload tur documento rekeri sea PDF of scan/potret. Tene na cuenta cu pa cada documento, esaki mester ta apart den un solo file di e persona en cuestion. Por ehempel, si na bo centro, boso ta 2 trahador, bo ta traha un file di cada trahador y den e file ey di cada trahador, bo ta pone e documentonan rekeri separa.
3. Esunnan cu ta interesa pa habri y no a registra den e periodo menciona (te 31 di maart 2023), no lo bin na remarke p'e fase di transicion. Pues, e Centronan ey mester cumpli cu tur exigencia minimo y haya bishita di e Toezichthouder di DMH, prome cu e Centro cuminsa opera (habri).

CON PA APLICA?

Riba e website di DMH (www.dmh.aw) por haya tur informacion pa loke ta trata Centro di Cuido

di Mucha en general y tambe por aplica digitalmente pa e permiso temporario aki. Si click riba e website riba e tab "Aplica awor", e website mes lo dirigi bo na e aplicacion digital. Tambe pronto lo tin un video disponibel, pa splica e pasonan cu mester haci.

CUA TA E DOCUMENTONAN REKERI?

E documentonan rekeri cu mester upload (den PDF) p'e aplicacion ta:

- Extracto di registracion di Camara di Comercio (KVK);
- Plan di Maneho Pedagogico di e Centro di Cuido di Mucha;
- Copia di Statuto di e Centro di Cuido di Mucha (pa esunnan cu NO ta un 'eenmanszaak');
- Gaskeuring verklaring (D.T.I): si acaso ta cushina na e Centro di Cuido di Mucha (comercial);
- Declaracion di inscripcion di Censo (papel di awg 5,-) di tur trahador den e Centro di Cuido di Mucha y no mas bieu cu 3 luna;
- Copia di identificacion oficial valido, tanto di e persona cu ta haci e peticion como tambe di tur trahador (por scoge entre; Rijbewijs, Cedula, Paspoort);
- Copia di e permisonan di estadia cu autorisacion cu por traha pa trahador, si esaki ta aplicabel;
- Carnet di salud (carchi berde na DVG) di tur persona cu ta encarga cu sea ta prepara, sirbi y/of conserva cuminda y bebida (no mas bieu cu 1 luna);
- Declaracion di bon comportacion (VOG) di tur miembro di directiva y personal di e Centro di Cuido di Mucha (Ministerio Publico);
- Copia di diploma (gewaarmerkt) di tur trahador incluyendo e cabesante di e scol di mas halto cu a termina. Pa e cabesante ta rekeri minimo un diploma di MBO-3 (kindgericht);
- Copia di carnet of certificado di EHBO di tur personal, cu ta traha den e Centro di Cuido di Mucha.

KICO LO PASA SI NO TIN TUR DOCUMENTO REKERI?

Si acaso un cabesante (pa cualkier motibo of otro) no tin




un di e rekesitonan akiriba menciona, esaki no ta stroba e Centro pa completa su aplicacion. Loke ta importante ta, pa registra y aplica prome cu 31 di maart 2023, p'asina e Centro ta forma parti oficialmente di e fase di transicion.

Djis pa cita un ehempel: Si prome cu 31 di maart 2023 bo Centro no tin carta di bon conducta (VOG) di tur trahador ainda, DMH ta brinda e Centro aki un flexibilidad pa por entreg'e den un periodo stipula.

Si bo ta desea di haya sosten y guia di DMH, por tuma contacto libremente via mail na info@dmh.aw of dmharuba@gmail.com of por yama na 5281246 - 5281247 y nos lo traha un cita.



Detencion despues di pelea dilanti supermarket



Madiki - Diabierna anochi trempa tawata basta druk pa Cuerpo Policial, unda diferente incidentenan a cuminsa pasa tras di otro.

Un di nan tawata esaki, cu a sosode na un supermercado na Madiki.

Eynan lo a start un bringamento cu dado momento a bay completamente for di man, unda cu polisnan mester a bay cu urgencia.

Un detencion a cay y tambe ambulance a

presenta pa atende un persona herida. Un vehiculo su windshield tambe a wordo kibra.

Kiko a start e pelea no ta conoci.

Carnaval na Curacao a termina cu publico cu no kier scucha y agresion policial



Imagennan cu a circula diadomingo anochi a muestra cu Carnaval na Curacao a termina cu un publico cu no kier sigui orden policial y agresion policial. Video ta muestra Brion Plein.



Aki polis tabata pone ordo riba un homber pe bay patras di hekki. E homber no kier a rasona pa cual a

sigui un forsamento entre un homber y polis.

Ambos a a bay cay riba caminda. E polis a saca su klop y a keda agredi e homber den su cara, te cu a lage na sanger. Un escenario cu nos tin hopi tempo sin mira, ora cu autoridad na Aruba a frena e mal comportacionnan aki desde varios aña pasa.



Yiu di agente policial: Hoben tira den abdomen transporta cu auto di famia pa Hospitaal



Sero Patrishi - Diadomingo den careda di 4'or unidatnan policial y tambe ambulance a sali direccion casnan di pueblo di Sero Patrishi pa un caso di tiramento.

Na yegada di polis ya e persona herida cu ta un hoben a wordo hiba den un Toyota Yaris pa Hospitaal.

Cu velocidad halto nan a yega Hospitaal unda cu polisnan tambe a yega pa haya mas dato posibel.

E hoben cu lo ta yiu di un agente policial lo a wordo tira den area abdominal, con serio y cu cua caliber e la wordo tira no ta conoci.


Unda e incidente a tuma luga a wordo cera cu lint geel, indicando un area

di crimen cu lo bay wordo investiga. Na e sitio a menciona ken a tira.

Recherche, departamento tecnico y demas autoridadnan tur a wordo pidi na e sitio.

Na Hospitaal polis a cera e entrada y no tawata laga ni famia/amistad nan drenta, bisando nan cu nan no por haci nada toch pa e hoben y lage den man di dokter y pa bandona e sitio.

Speculacionnan bayendo rond ta papia cu e tiramento aki lo por tin te maken cu e caso di hincamento ayera nochi na Joe Laveist, pero manera nos ta bisa ta especulacionnan di caya y nada oficial.



MINISTER ENDY CROES A CORONA SRA CARNAVAL EPB ORANJESTAD Y ALAVEZ A FELICITA SR ERWIN 'WINO' LOPEZ CU 35 AÑA DEN ENSEÑANSA DI ARUBA



Diabierna mainta a tuma luga un dobel celebracion na EPB Hato, den un ambiente ameno di carnaval y den presencia di maestro y maestranan Minister Endy Croes a corona sra Caranaval EPB Oranjestad Tatiana Tromp, cu lo participa den e eleccion di Sra Caranaval di Aruba otro aña pa Caranaval 70 y tambe Minister Endy Croes a entrega yabi na nan Prins Coco Joey Blokland cu Pancho Pelon Patrick Kock di EPB, un excelente ambiente a reina pa cu e celebracion aki, alavez Minister Endy Croes a felicita director di EPB Hato meneer Erwin 'Wino' Lopez pa su 35 aña di servicio den Enseñansa di Aruba, un trayectoria respeta cu hopi experiencia y dedicacion cu meneer Erwin Lopez a logra den Enseñansa di nos pais brindando educacion na


miles di nos muchanan awe profesionalnan den diferente tereno.

Minister Endy Croes sumamento contento a reconoce presencia tambe di Juf. Mani Lopez, Minister Endy Croes su 'juffrouw' di vijfde klas na Colegio San Hose basis school cu ta mama di meneer Erwin Lopez.

Minister Endy Croes a gradici y felicita henter e famia grandi di maestro y maestranan di EPB dos localidad 1 scol cu nan bunita dobel celebracion.



Yiu lo a presencia tur cos: Homber seriamente hinca den su barica



URUGUAYSTRAAT - Diasabra den oranan di merdia un homber hunto cu su yiu a core yega na bisiña/nan buscando auxilio, debi cu e la wordo hinca.

Segun informacion cu nos a busca na e sitio for di testimonian, nos a haya lo siguiente.

E homber aki a core yega pidiendo ayudo y pa yama ambulance door cu e la wordo hinca y lo ta muriendo.


Tur esaki a pasa dilanti su yiu menor di edad, cu si ta bon a mira locual a pasa cu su tata.

Segun testimonian e homber sa ken a hink'e y di unda e ta bin. Na e sitio por a scucha cu e caso aki lo tin di haci cu un of su ex pareha.

Nos no ta bisando cu ta e ex lo a comete e acto, of e la manda un hende haci esaki.

Na yegada di polisnan y mirando e situacion critico cu e homber ta den a pidi pa un ambulance cu maximo urgencia.

Demas departamentonan concerni a wordo poni na altura tambe y den un tempo record tur tawata presente.



Den un estado critico pero na tino e homber a wordo hiba pa Hospitaal, unda cu polis mester a habri

caminda pa e unidad di Ambulance yega mas lihe posibel Hospitaal.

Un investigacion riguroso

a tuma luga di parti autoridad despues cu e victima a wordo hiba di e sitio.

Reunion exitoso y fructifero entre directora di UNICEF Hulanda y Departamento di Mucha y Hoben (DMH)


Recientemente directora di UNICEF Hulanda, sra. Suzanne Laszlo como tambe sra. Anna Kroon, senior Specialist Kinderrechten Cariben tabata na Aruba en conexion cu diferente trabou. For di 2020 Sue-Ann Ras ta trahando di cerca cu UNICEF Hulanda, unda cu a haya sosten tecnico di nan pa implementa Codigo di Proteccion na Aruba y actualmente Corsou tambe a cuminsa cu e trayecto aki.

E sosten tecnico ricibi di UNICEF Hulanda, sigur a duna un tremendo resultado, mirando e importancia como tambe e relevancia di tin un sistema cu ta uniforme, structural y tambe sostenibel di traha preventivamente riba sospecho di abuso di mucha.

Jullie-Ann Thode, Efraim Suurendonk y Sue-Ann Ras a duna un bon update relaciona cu e logronan como tambe e retonan cu implementacion di Codigo di Proteccion den e 4 sectornan: salubridad, enseñansa, husticia y social.

Actualmente Aruba ta conta cu 41 Supervisor di Codigo (SdC) y 10 Trainers di Codigo, di cual algun tin ambos rol. Tin un total di 28 instancia; gubernamental, fundacion y priva, cu ta sea trahando caba of ta den fase di implementacion di Codigo dentro di nan maneho diario. E aña aki e focus principal ta pa sigui duna sosten tecnico na e instancianan cu no tin nan protocol di Codigo di Proteccion ainda, mirando cu tin algun instancia cu ta for di 2020 a inicia den e trayecto, pero pa un of otro motibo for di alcance di e lidernan di proyecto, no a finalisa esaki. Mas cu claro ta importante tambe pa sigui haya e recapacitacionnan necesario, mirando e retonan cu varios di e SdC ta encontra den veld.

Durante e reunion e team a presenta concretamente nan retonan y con lo anda cu esaki den 2023 y unda UNICEF Hulanda por contribui. Por remarca cu den algun organisacion e implementacion ta cana hopi



rapido y practico, pero cerca otro, esaki tin mas resistencia y tambe falta di conocimiento di Codigo, cu no ta existi pa traha mas, sino pa traha mas eficiente y eficaz ainda. Ta bon pa enfatisa cu Codigo di Proteccion ta un ley, cu ta contene 5 paso concreto y uniforme, cu no ta rekeri un metodo specifico tampoco pa ehecut'e. Sra. Laszlo a complimenta e team y sigur ta contento di e pasonan concreto cu e team ta logrando

y no ta descarta cu e retonan ta algo masha comun, incluso na Hulanda cu nan meldcode.

Pa bolbe resumi, e SdC tin e rol di duna guia, sosten, facilita y percursa pa e implementacion, salvaguardia y anda cu Codigo di Proteccion, pa señala abuso di mucha y violencia relacional, unda cu mucha ta testigo, mas trempa cu ta posibel. SdC ta e profesional riba e area di

Codigo y ta percursa pa crea un ambiente laboral, unda su coleganan ta durf, kier y por anda cu sospecho di abuso di mucha. SdC ta un rol cu e profesional of un 'beleidsmedewerker' ta yena dentro di su organisacion, band'i nan funcion regular. E SdC ta percursa pa e.o. e organisacion ta traha adecuadamente cu Codigo di Proteccion y ta responsabilidad di e director di organisacion pa facilita e SdC su rol como tal.

DMH poniendo atencion riba Idioma Materno como instrumento fundamental den desaroyo optimal di un mucha

Considerando cu un mucha mester ta plenamente prepara pa un bida independiente den un sociedad y mester ta educa cu e spirito di e articulonnan proclama den e Tratado Internacional di Derecho di Mucha, Departamento di Mucha y Hoben (DMH) kier duna atencion na Artículo 30. Tur mucha tin derecho na educacion (articulo 28) y tambe e derecho di siña y uza su idioma materno (articulo 30). Idioma ta biba cerca un mucha desde cu e ta den bariga di su mama y segun su edad y capacidad, e desaroyo di su idioma ta tuma lugar.

Idioma materno

Idioma materno ta e prome idioma cu un hende ta siña durante su prome añanan di bida y ta uz'e como un instrumento fundamental pa pensa, expresa y comunica. E idioma cu abo como mayor ta papia cu bo yiu(nan), ta e prome lenga cu e ta siña. Ta su prome conexion cu bo, e sobra di famia, su cultura y su sociedad. Ta e prome idioma cu e ta uza pa siña tocante e mundo cu ta rondon'e.

E lenguahe ta un di e aspectonan fundamental den e desaroyo di un mucha. E ta e arma maraviyoso, cu ta habri miles di porta na otro conocimiento y ta e herment di relacion cu otro, sin laga afo cu e ta permiti nan tin interaccion adecuadamente.

Adkision di idioma

Mientras un mucha ta adkiriendo su idioma, e ta organisando su percepcion di realidad tambe y esaki ta compaña constantemente e accion di e mucha. E periodo crucial pa un mucha adkiri idioma ta entre tres y cinco aña, unda e muchanan ta siña comunica oralmente cu otro hende, teniendo un lenguahe menos amplio den comparacion cu un adulto. E desaroyo aki ta evoluciona netamente den e etapa preescolar, unda mester percura pa tin bastante apoyo y estimulacion den e desaroyo di idioma, tanto na scol como na cas. E estimulacion y enseñansa di idioma aki ta sigui fortalece cu tempo, te ora cu e mucha por



comunica cu mayor fluidez y claridad.

Educacion preescolar

Referiendo na e parti ariba, educacion preescolar tin un papel sumamente importante. Ya cu e ta duna e mucha e oportunidad di papia y scucha tocante diferente tema cu ta encera su entorno familiar, teniendo e oportunidad di scucha storia, canta, bisa rima, describi imagen, situacion of concepto, cu ta yud'e amplia su vocabulario cada biah mas y mas. Cu otro palabra, educacion preescolar ta expande su mundo, su nificacion, e vocabulario y e

structuranan linguistica cu nos ta expone e muchanan na dje. Aki ta unda ta crea e necesidad di papia tocante diferente tema y di explora diferente manera di uza e idioma, buscando esun mas apropiada pa cubri su necesidadnan di expresion.

Crea espacio pa experiencia comunicativo


Cada experiencia comunicativo cu ta involucra un mucha, sea ta den contexto familiar of escolar, ta permitie pone den practica e conocementonan, cu ya e ta posee y na mesun momento adkiri nobo. Asina aki e mucha ta enrikece

su idioma oral, pues ora cu e experiencianan ta significativo y tin un meta, ta resulta facil pa e mucha siña e idioma. Si e experiencianan comunicativo ta carece di relevancia y significado, e idioma ta bira complica pa e mucha siña e idioma oral.

Amplia su vocabulario cu e actividadnan comunicativo, ta permitie mucha logra un desaroyo integral, es decir cognitive, afectivo, fisico y specialmente social, locual tin como resultado e adkision di confianza y siguridad p'e desenvolve den diferente ambito.



22 detencion pa Parada Grandi



Equipo di Top fm y Canal 22 a trece un excelente transmision




Diadomingo e equipo di Top fm a trece un bunita transmision di carnaval. Bao direccion di Leo Maduro y team, a percura pa tur cos cana na ordo.

Aki por mira poco di e ambiente ne trailer di Top 95 fm.



Auto a dal contra palo di lus lagando parti di Santa Cruz sin coriente



Santa Cruz:
Diadomingo algo pasa di 11' or y mey di anochi, un Dodge Challenger biniendo cu velocidad halto a

bay pasa un auto riba e caminda pazuid di santana di Santa Cruz, e chauffeur a perde control riba e auto, cu consecuencia cu e la

bay dal contra un palo di luz, causando basta daño material na e palo di lus y na su auto. Esaki a causa tambe cu un parti di Santa



Cruz a keda sin coriente, mesora a pidi pa presencia di Polis na e sitio. Na yegada polis a pidi pa presencia di ambulance pa haci un checkeo medico cu e chauffeur. Elmar tambe


a presenta na e sitio y mesora a cuminsa haci e trabounan necesario na e palo di luz, pa asina reconnecta bek e area di Santa Cruz cu no tabata tin coriente.

Dama bou influencia deteni den su auto banda di pool di hotel



Palm Beach:
Diabierna algo prome cu 8'or y mey di anochi, un dama cu tabata bou di influencia di alcohol, aparentemente su wowo lo a bruha y a subi e walkway patras di Marriott Hotel cu su auto. E dama chauffeur

a cuminsa core cu su auto rond riba e tereno patras di e hotel sin por a haya un salida. Polis a logra para e auto net na tempo, evitando cu e lo a drenta pool cu su auto.



Polis di trafico tambe a presenta, pa motibo cu polis a nota cu e dama tabata

monstra basta bou influencia, nan a pone e dama supla y despues a pidi pa

presencia di transportwagen pa transport'e pa warda di polis na Shaba.

Mr. dr. Ryçond Santos do Nascimento: Drecha sistema pa evita corupcion



E siman aki e miembro di Parlamento den fraccion di Partido di Pueblo Arubano (AVP), mr. dr. Ryçond Santos do Nascimento, a reacciona riba e acusacionnan contra Chris Romero y Eddie Briesen. Ambos persona ta ex minister perteneciente na partido Movimiento Electoral di Pueblo (MEP).

Do Nascimento ta cuminsa na bisa cu awe MEP mester guli su palabra, specialmente esun di 'integridad'. E motibo ta cu MEP a haci populismo cu integridad, uzando slogan manera "integridad, nace bo ta nace cu ne". A haci hopi mercadeo cu integridad, pero Aruba no cuminsa drecha e sistema y e proceduranan, mientras cu e sistema ta sigui crea corrupcion.

El a recorda con e mes a drenta politica door di, entre otro, duna curso riba derecho constitucional na Cas di Partido. E contrincantenan politico lidera pa Evelyn Wever-Croes a bagatalisa e cursonan como 'universidad di corrupcion'. E tempo ey actual Presidente di Parlamento Edgard Vrolijk a cuestiona Santos do Nascimento. Ex parlamentario Alan Howell, mescos cu minister Endy Croes tambe a haci politica barata riba su custia.

Awo cu no solamente Chris Romero y Eddie Briesen, pero tambe e ex minister plenipotenciario Guillfred Besaril ta bao investigacion penal, Vrolijk cu su ruman ta core copia duna curso di derecho consti-

tucional na miembro di MEP. Sin embargo Vrolijk keto bay ta sigui tuma ordo for di Cocolishi.

E parti mas importante den henter e problematica di corrupcion ta cu corrupcion no ta djis un cuestion di 'appel putri'. E ta un cuestion di con e sistema ta hinca den otro y e falta di procedura adecua: tin falta di division di poder y di "checks and balances". P'esey e sistema por sigui corumpi hende pasobra "poder ta corumpi." Cu poder ta corumpi ta algo cu algun hende, manera Evelyn Wever-Croes, no ta gusta pa e parlamentario bisa, pero cu ta berdad. "Si nos kier cambio, e solucion ta cu nos mester traha riba structuranan; nos mester traha riba e sistema," asina Santos do

Nascimento a declara durante di e conferencia di prensa. "Kiermen, si nos kier cambio den e pais aki, e no ta bay bin door cu mi ta muestra dede riba hende y bisa: 'abo ta corrupto'. Nos mester wak e sistema y kico falta den dje. Nos mester analisa e procesonan di trabou y check si e hendenan cu nos ta pone traha ta hende adecua pa e posicion ey. Kico ta nos structura pa evita fraude?"

E parlamentario di fraccion AVP ta sigura cu si nos no tin e structuranan pa evita fraude, ta bay keda haya situacion manera esun di Belastingdienst caminda un funcionario a horta 1 miyon florin, of manera a sosode na Censo y te hasta na e propio Ministerio Publico. No ta regla

debidamente e posicion huridico di e funcionario publico y esey ta pone den un situacion ainda mas vulnerabel pa corumpi.

FACEBOOK:

Pa pone un berdadero fin na corrupcion mester analisa y coregi e sistema y procesonan actual cu ta duna espacio pa corrupcion tuma luga. Cualquier persona, na un momento of otro, por sucumbi pa poder, pero door di educa, elimina oportunidad y necesidad pasobra e funcionario publico ta gosa di su derecho, por preveni corrupcion.

INSTAGRAM

E MEP populista a hay'e ta guli su mesun palabranan: "integridad, nace bo ta nace cu ne".

Paga bo cuenta online ta facil



Pa hasi pago online pone number y adres na
cuenta di banco RBC Sunmax Printing
account # 7700000100152447

Caso di menasa cu detencion, homber y ex swa a menasa di tira otro

Palm Beach, Noord:

Diadomingo algo despues di 11'or di anochi, presencia di polis a wordo pidi na un cas riba e caminda di Palm Beach pa Noord, pa un caso di menasa, mesora a manda un patruya di Noord na e adres.

Na yegada nan a bin topa cu un homber cu un riffle den man, mesora a detene e homber aki y a pidi transportwagen pa buske. Despues a drenta un informe cu tin un otro persona cu tambe tabata na e cas y cu lo a menasa e homber deteni cu e lo tire. Polis mesora a cuminsa busca den e area pero no a bin topa cu e homber. Un dama a sali pafo pa papia cu polis y e la bisa polis cu e ta ruman muhe di e homber cu nan a detene, e la conta polis cu e otro persona ta tata di su yiu y cu e tata a bin busca problema na nan cas y segun e dama e tata di su yiu su cabes no ta mucho bon. Polis a splica e dama su caminda di cana y a bise dama pa su siguridat, y di su yiu nan cera nan curpa den cas.

Na momento cu polis tabata papiando cu e dama nan a nora cu e dama ta papiando hopi cos bruha. Polis a trata na tuma declaracion di e dama, pero



a nota tambe cu e dama tabata musta basta confundi, e tabata papia basta bruha.



Preparacion di ginger y azeta di oleifi pa calma dolor

E preparacion di ginger y azeta di oleifi pa calma dolor ta un di e miho remedinan casero pa nos por haya, danki na e cualidadnan di su ingredientenan. E ta un poderoso antiinflamatorio, analgesico y diuretico.

Entre otro hopi beneficio, ta yuda na mehora e circulacion sanguineo y e problemanan digestivo.

Ginger ta wordo caracterisa tambe pa su propiedadnan regenerador y afrodisiaco. E raiz aki por us'e riba algun cuminda pa su sabor picante, ademá, pa su exkiso holo, a wordo usa como aromatizante.

Mineral, vitamina, gingerol

Ginger ta fuente di calcium, azetanan esencial, aminoacido, fosforus y vitaminanan B y C, pa cual ta reforsa e sistema inmunitario. Su gingerolnan ta haci'e di gran utilidad den e combate di cancer di ovario y di colon.

Tambe ta un poderoso expectorante pa casonan di bronkitis, asma, griep y otro enfermedadnan di e sistema respiratorio.

Si nos kier reemplasa pildo, e preparacion di ginger y azeta di oleifi ta un opcion ideal pa calma e dolor. Pa su propiedadnan diuretico, elimina e exceso di likido den e articulacionnan, loke ta reduci e inflamacion.

Ideal pa e stoma y tripanan

Ginger ta yuda den e tratamento di e dispepsia, flatulencia, spasmonan stomacal y e indigestion. Den intoxicacionnan pa alimento, infeccion di e intestinonan y hasta dis-

enteria bacteriano, e preparacion di ginger y azeta di oleifi ta e remedi indica. Di forma simultaneo, e ta lanta e apetit.

Preparacion di ginger y azeta di olijfi

Ingrediente

- Un cup di ginger hopi fresco (150 g)
- Un cup di azeta di oleifi (250 ml)

Instruccion

1. Nos ta laga e ginger bon y nos ta lag'e seca durante dos ora.
2. Nos ta pone e azeta di oleifi den un recipiente pa horna.
3. Nos ta corta e ginger, sin kita e cuero y nos ta rasp'e.
4. Nos ta añadi'e na e recipiente cu azeta di oleifi y mescl'e bon.
5. E mescla aki ta pone den horno, na un temperatura di 150 grado. Lag'e herbe durante dos ora.
6. Ora cu e mescla fria, nos ta bash'e den un colado di tela pa elimina e restonan di ginger. Nos ta primi'e bon te ora cu no keda mas azeta den e tela.
7. Nos ta ward'e den boter, den un luga fresco y seco. E azeta por dura te cu seis luna.

Usonan distinto

Ta importante midi e dosis. E cantidad necesario di e preparacion di ginger y azeta di oleifi pa calma dolor ta depende di e dolencia.

Ora cu experimenta e sintomanan di distinto enfermedad, e azeta di ginger ta cobra un importancia special. Ademá su holor ta core cu sangura y otro insectonan propagador di enfermedadnan.



Contra artritis y dolornan muscular

Pa revitalisa e mente y tambe e curpa, ta pidi pa consumi di dos pa tres gota diario. Si kier alivia artritis of dolornan muscular y di lomba, ta usa e mesun dosis, pero den massage na e zona afecta. Tambe ta recomenda ingeri tres gota diario.

For di gas pa bronkitis

Ora ta trata di diarea of di gas, un gota aplica na e abdomen cu massagenan suave lo ta un bon solucion. Si e malestar ta di garganta of di sinusitis, ta recomendabel 3 gota inhala mediante un difusor.

E harabe aki ta yud ana combati brokitis, asma, tos, disnea y griep; tambe por elimina e flema den e pumonnan y garganta.

Pa loke ta estetica, e aplicacion di 3 gota den e zonanan afecta, lo yuda pa lachi y estrianan disparce. E propiedadnan regenerador di ginger ta repara e piel dañá.



Aliado den combati contra colesterol y hipertension

Consumo di e preparacion di ginger y azeta di oleifi ta minimalisa e riesgo di hipertension. Tambe ta yuda contra colesterol malo (LDL) den sanger y ta disminui riesgo di coagulo den sanger y arteriosclerosis; e ta ideal pa trata enfermedadnan di curason.

No obstante, ainda tin mas beneficio. E habito di tuma tur dia entre 2 pa 4 gota di azeta di ginger ta yuda na preveni enfermedadnan cronico.

Beneficianan incalculabel

Manera nos por mira, hopi ta e beneficianan di ginger. Un importante cantidad di dolencia tin den dje un poderoso medicamento natural. E antioxidante, vitamina y mineral di e rais aki ta convirti'e den un aliado ideal pa salud.

E hecho di tin e preparacion di ginger y azeta di oleifi pa calma dolor na cas, ta un decision inteligente. Por elabora den e comodidad di cas, cu utensilionan di uso frecuente y ingredientenan facil pa haya.

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen

Bon dia yen di alegria ! Pabien Aruba cu e exitoso y bunita paradanan grandi di Carnaval 69.

Pueblo a goza, baila y admira bunita costumnan y headpiecenan di tur color. Participantenan cu no ta salta un parada, a bolbe expresa nan alegria den nan bailenan .Awor hopi ta tuma nan tempo serio pa cu e temporada di cuaresma. Tur cos tin su tempo. Y un di e cosnan bunita ta tambe, e dushi celebracion di e cumpleaños number 77 di nos bunita bon amiga y bisinja sra. Yolanda Winklaar, den curason di Dakota tur dia. Durante un super dushi ambiente, cu dushi musica cubano , famia- y amigonan a celebra cu Yolanda. Lieve Yolanda ta e bunita mama di beautiful Zalma, beautiful Jadidah y handsome Nelsito Winklaar, tres hoben adulto bunita nechi y elegante, tur tres profesional cu curason den nan trabao. Awe un relato di amor pa prohimo. Nos ta gusta elogia nos hendenan na bida, aunke ya nan tata stima, Nelson Winklaar, a wordo yama pa bay cerca su Creador di amor algun tempo atras. Un shon di hende rustig, suave hopi sabi, fuerte y bendiciona, cu a dedica su bida na Panaderia del Pueblo den Dakota y na su bunita y dushi famia, cu amor inmenso pa su bunita sra. esposa Yolanda y nan tres yuinan, Nelsito, Zalma y Jadidah y despues tambe pa e nietonan inspira y talentoso. Un famia uni , ehemplar, diciplina cu hopi amor y pasion den tur cos cu nan ta hasi. Y pa nan beautiful mom Lady Yolanda, Lady Ruth a inspira y recita e siguiente bunita poema, inspira di



curason:.

“DOBBEL SHETE PA UN HENDE MUHER NECHI YEN DI PIKETE “

Awe nos ta celebra cu un bunita sra, carinoso y hopi amabel. Su di 77 cumpleaños na un manera contento y hopi agradabel. Pa nos tur, un role model sigur den su manera di trata hende y su manera humilde y dushi di ta. Awe cu nos bunita bisinja Sra. Yolanda Winklaar, den lus y cu alegria nos ta celebra./ Un Shon di hende, un hende muher bunita paden y pafor, hopi inspira. Awe cu su kerido esposo Nelson cu for di ariba ta saluda y companja. Pasobra, awor

mas cerca di mente, alma y curason. Nelson sigur ta manda mas di su amor y bendicion./ Ta nos tur tin cu crusa e brug ey di bay bek cerca nos Creador di amor un dia. Ta nos tur mientrastanto tin cu sigui pasa den nos mesun experiencianan y sinya. Pero, mientras nos cu tin mission of missionnan ainda pa cumpli cu n’e. Nos ta sigui gradici Tata Dios, Mama Maria y Hesus pa tur cos y bendicion’e./ Nos bunita amiga bisinya Yolanda awe cu zjeito pa bo nos ta canta. Nos ta pidi Creador di amor pa mas salud, alegria y sabiduria pa bo. Y tambe pa bo dushi y bunita yuinan y

nietonan cu ta adora’bo y stima’bo. Pa bo sigui disfruta y goza bida cu nan foi mainta ora bo lanta./ Danki pa ta un bon y dushi amiga bisinya pa nos mayornan Mercedes y Lucas. Awor un crenchi mas dificil den nan canamento y movecionnan den cas. Pero nan ta manda un brasa diki gordo cu palabranan di felicitacion. Johan y ami ta representa nan tambe cu hopi amor y pasion./ Pabien y mas pabien lieve Yolanda, sigui luci y briya den bo dushi manera di ta. Y acepta tur e palabranan bunita di pabien y accionnan di amor eleva na bo dedica. E yamada, e

carchi, e poema y e flor, tur ta muestranan di amor. Pa un Sra. Dama elegante y flamante: Lady Yolanda cu hopi amor !/Den nomber di Johan, Ruthy, Lucas y Mercedes.

Danki pa lesa nos relato cu hopi amor y atencion ! Corda sigui smile bunita, pasobra e no ta costa nada y ta ilumina mas bo curason! Regala un bunita smile di bo na esnan cu no por smile ! No laga ningun hende y nada stroba bo den bo felicidad ! Corda :” Wat je zegt, ben je zelf “Stay safe y love you too ! Alive and enjoying life ! Yolanda, you are the blessings !!!!

Number di pisca na Papiamento: Mulato

Ban papia di number di pisca. Bo conoce bo piscanan Un serie di articulo informativo cu ta ilustra algun pisca y nan number na Papiamento. Den e prome salida aki kier djis introduci e concepto. Ta asina cu con bo ta yama un pisca ta depende hopi biaha di ken bo ta papia cune y pesey number comun ta varia di area pa area y region pa region. Por ehempel tin caso cu mesun pisca tin otro number na Curacao compara cu Aruba. aki tambe tin pisca cu ta conoci bou diferente number. Den e serie aki Santa Rosa kier comparti y alabes haya informacion for di publico. Lesa na final di articulo con pa haci esaki.

Mulato, *Acanthocybium solanderi*, Wahoo:

Mulato, tambe conoci como Mula, ta un pisca hopi comun den nos awanan y mercado di cuminda y restaurantnan. Mulato su number científico ta *Acanthocybium solanderi* y ta un miembro di famia di Scombridae, esta e famia cu ta inclui Tuna, Conofes y Macrel. Un grupo di pisca di importancia rond mundo pa alimentacion y ta ser usa tanto den mochi, filet pero tambe empaketa den e.o. bleki. Na ingles e number mas comun ta Wahoo. E ta masha popular como pisca di pesca deportivo y recreativo pa su resistencia y pelea cu e



ta duna unabes gara na liña.

Descripcion:

Mulato ta un pisca largo, diferente grado di shinishi y cu blou. Hopi biaha bo ta hayele cu strepi mas secur di ariba bin abou. E boca ta largo y ta liña cu djente skerpi manera blet. Nan ta pisca di careda, esta traha pa landa distancia largo y cu hopi velocidad. Pesey nan diseño, largo manera torpedo y cu fin chikito a lo largo di lomba te na rabo. Nan rabo tambe ta fini manera luna nobo, y cual ta corta awe pa bay dilanti rapidamente.

Na Aruba:

Mulato ta ser haya den nos awanan rond nos isla henter aña largo pero tin un halto resaltante den e temporada aki, esta di november te cu maart. Mulato ta ser gara aki na Aruba mayoria di biaha via di e metodo di slip (trolling na ingles) unda ta lastra e liña cu e haas of pluma tras di e boto en busca di e pisca.

Contacto cu nos:

Ta intencion pa periodicamente Santa Rosa saca mas informacion pa tocante di number di pisca na Papiamento. Si bo tin informa-

cion of comentario pa engrandece conocimiento of si ta desea informacion of topico specifico pa nos amplia ariba, por manda esaki-

nan libramente na info@santa-rosa.aw. Si bo mes ta piscado y bo kier

Pa abona na
SOLO DI PUEBLO
Yama
585 9500

Manda nos un e-mail na
solodipueblo@gmail.com



Entrega tur dia te den bo port'i cas

KIVI KRING CARIBBEAN – ARUBA

ta organisa su proximo actividad ariba tocante sistemanan sustenible di produccion di alimento y practicanan di agricultura resiliente



gran promotor na Aruba pa cu produci alimento local na un manera sostenibel. Tecnologia ta un di elementonan clave pa por alcanza e produccion di alimento sostenibel y tambe pa implementa practicanan di agricultura resiliente. Durante su presentacion Dr. Fung A Fat lo duna un splicacion di tecnologia cu ya ta existi y tambe un bista den futuro di tecnologia potencial cu ta fatible aki na Aruba.

UFA a cera dos MOU caba cu Gobierno di Aruba y Universidad di Aruba

KIVI Kring Caribbean – Aruba ta invita tur ingeniero y otro interesadonan pa bin scucha e presentacion aki pa asina aumento e conocimiento tocante tecnologia

innovativo pa produci alimento sostenibel y di bon calidad nutritivo. E actividad aki lo tuma luga na YMCA Calabasstraat 1 Dakota, diahuebs 23 di Februari 2023 di 6:30 pa 7:30 p.m. sigui pa un evento social te cu 9 p.m. mientras gozando di drinks y snacks. Entrada pa miembro di KIVI lo ta 15 AWG florin y pa studiantenan di Universidad di Aruba e entrada ta gratis.

Pa candidatonan di PhD di Universidad di Aruba e entrada lo ta 10 AWG florin mientras e entrada pa otro interesadonan cu no ta miembro di KIVI lo cobra 20 AWG florin. Pa participa mester registra na Sustainable food production systems and resilience agriculture practices | KIVI



Durante e pandemia di Covid a bira hopi cla cu tabata tin un menasa di e suministro di produccionan pa e islanan y estadonan chikito den desaroyo den Caribe, manera Aruba. En particular e suministro di alimento fresco y di bon calidad tabata menasa y no tabata sostenibel. E siguridad di alimentacion ta parti di e Agenda 2030 di Nationan Uni poni den e obhetivo sostenibel number 2 esta Sustainable Development Goal (SDG) 2. E obhetivo aki ta encera cu hamber mester caba por com-

pleto y cu mester garantis cu tur hende ta hay suficiente alimento di bon calidad y nutritivo. Y tambe cu tur mal nutricion lo caba. E systemanan di produccion di alimento mester bira sostenibel y implementa practicanan di agricultura resiliente.

United Farmers Aruba (UFA) y Dr. Gregory Fung A Fat
Dr. Gregory Fung A Fat, farmaceutico, empresario y ambientalista, ta e presidente di United Farmers Aruba (UFA) y ta un

Clasificados

SOLODIPUEBLO@GMAIL.COM
CEL. 585 9500

Dia Internacional di Idioma Materno

21 di februari 2023 Aruba

Masha pabien cu Dia Internacional di Idioma Materno!

Nos Idioma Papiamento, cu ta centro di atencion awe, merece nos respet, nos aprecio, nos cuido, nos esfuerso pa sosten'e den su lucha pa su existencia.

El a sobrevivi, contra tur expectativa colonial.

E t'ey, mas fuerte cu nunca.

Sinembargo, herida y poco manca.

Su exclusion for di enseñansa y otro sector di comunidad

a y te ainda ta perhudica desaroyo di hopi generacion.

Mundialmente ta reconoce y stimula idioma materno

Papiamento, nos idioma, nos derecho!



Fundacion Lanta Papiamento

como e miho base pa enseñansa exitoso.

Pa e aña aki UNESCO ta propaga mundialmente como tema di Dia Internacional di Idioma Materno 2023:

“Educacion Multilingual - un necesidad pa transforma educacion”.

Educacion multilingual basa riba idioma materno

ta facilita

acceso y inclusion na siñamento debido y cu sentido pa e alumnonan.

Esaki sigur ta conta pa Aruba tambe.

Nos alumnonan merece enseñansa den idioma comprendibel.

Pa gran mayoria esaki ta Papiamento, cu nan a lanta cu ne for di chikito.

Recientemente un alumno a expresa publicamente na Princesa Amalia:

‘Nos na Aruba ta inteligente. Si ami por a siña tur cos den mi propio idioma, kisas lo mi tawata na VWO.’

P'esey, pa un enseñansa realmente sostenibel y di calidad,

Papiamento mester ta na

prome luga.

Nos idioma materno ta importante

pa conoce nos mundo, mas idioma y nos mes, pa desaroyo berdadero di nos pueblo, di nos pais.

Pueblo di Aruba, ta nos mes mester dun'e su balor!

Ta di nos e ta!

Papiamento, nos idioma, nos derecho!

Hit & Run: Peaton alcanza na Sero Janchi

Sero Janchi - Diadomingo algo pasa di 6'or polisnan a bay pura Sero Janchi unda cu un peaton a wordo gedal cu auto y e auto a sigui bay.

Na yegada di polis nan a haya e peaton cu ta un persona masculino.

E persona tawata na tino.

Segun testigonan lo tawata trata di un Van chikito color blanco, aparente-

mente un persona lo a sigui e vehiculo pero no ta duidelijk si nan a logra localise.

Ambulance a yega y ariba caminda ta topa e peaton drumi y mesora a baha e brancard pa hiba e homber. Paramediconan a transporta e homber pa Hospitaal.

E caminda a wordo cera mientrastanto cu Polis di



Trafico tawata compila informacion for di testigo/ nan.

Mayornan cu tin yiu na SKOA por haci aplicacion pa inscripcion via systema di SAS

Oranjestad, Aruba: SKOA a cuminsa acepta aplicacion di mayornan cu kier inscribi nan yiunan cu tin un ruman cu ta bayendo un scol di SKOA.

Mayornan por aplica pa inscribi nan yiunan cu ta bay cuminsa scol via e systema di SAS di SKOA.

Ta importante pa tene cuenta cu pa tur aplicacion, mayornan mester tin tur e documentonan necesario na ordo y tambe mester cumpli cu e rekisitonan di SKOA pa por (re) inscribi exitosamente.

E rekisito pa por haci (re) inscripcion pa aña escolar 2023-2024 na SKOA ta cu mester tin e contribucion di “schoolgeld y airco geld” completamente paga di aña escolar 2022-2023.

Pa e aña escolar nobo di 2023-2024 tin un cambio den e suma di contribucion di e “schoolgeld y airco geld” pa e scolnan di SKOA:

- Pa kleuterschool schoolgeld ta Awg. 250,- y Aircogeld ta Awg.150,-
- Pa basisschool schoolgeld ta Awg. 275,- y Aircogeld ta Awg.150,-
- Pa mavoschool schoolgeld ta Awg. 350,- y Aircogeld ta Awg.150,-




Mayornan cu ta desea pa haci peticion pa un areglo di pago por haci esaki entrante 1 di april 2023.


Pa mayornan cu no (re) inscribi nan yiunan na tempo of cu no ta cumpli cu e rekisitonan di SKOA por tin consecuencia caminda e aplicacion por wordo cancela. Esaki por resulta cu e mucha no ta bay tin su luga segura pa e proximo aña escolar.

Pa preveni esaki SKOA ta conseha pa mayornan haci aplicacion na tempo pa asina (re) inscribi nan yiunan debidamente, pa asina segura nan luga na un scol y cumpli cu su derecho na enseñansa.





FUNDACION VENERABLE
JOSE GREGORIO HERNANDEZ
TANKI LEENDERT 128



Ta invita

Nos devotonan contruibuidor y pueblo di Aruba en general pa asisti na un Santo Sacrificio di MISA Pa pidi nos Creador pa bendición y pa nos por cuminsa prepara pa drenta un Cuaresma jen di fe.

DIA 22 di February 2023

ORA 7.0R DI ANOCHI

LUGAR SITIO DI ORACION

Boso precensia ta altamente aprecia

Clasificados

AUTOSINMUEBLESARTICULOSNEGOCIOSSERVICIOSEMPLEOS

**SOLODIPUEBLO@GMAIL.COM**

**585 9500**

**www.SOLODIPUEBLO.com**

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Koningin Wilhelmina Fonds	582-0412
Fundacion pa nos mucha nan	583-4247



Obituario



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554 puntra pa
Jamila Henriquez**




Oracion di dia

Un dia yena di bendicion colma cu hopi
fe y speransa

Boso ta kita tur autoridad for di Palabra di Dios pa medio di boso tradicionnan cu boso mes ta keda pasa di generacion pa generacion. Asina boso tin hopi di e cosnan aki mas ta haci. (Marco 7, 13)
Dios a crea hende segun Su imagen y a bendiciona nan bisando: 'Yena mundo cu hopi desendiente y domin'e, gobierna pisca den lama, parha den laira y tur bestia cuta lastra abou riba suela'. Dios a mira cu tur loke El a traha a keda masha bon. Dios a haci hende poco menos cu Dios y a corona hende cu gloria y honor. Tradicion ta transmision of comunicacion di noticia, informacion, literatura, doctrina, ritonan of custumbernan di generacion pa generacion. Pensamento di hende ta fuente di tradicionnan. Pensamento di hende cu no ta conforme cu e boluntad di Dios, ta fuente di tradicion cu lo kita e autoridad di e Palabra di Dios. Pues tur e bondad di e Palabra di Dios ta perde autoridad y hende ta perde e corona di gloria y honor di Dios. Despues di algun generacion lo no resta nada di semehansa di Dios.

Oracion: Señor ilumina nos pa semper nos pensamentonan ta di acuerdo cu Bo boluntad. Amen.



PRONOSTICO DI TEMPO

PRONOSTICO DI TEMPO
VALIDO TE DIAMARS 21 DI FEBRUARI 2023, 18:00 ORA

TEMPO:
AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN
AWACERO PASAJERO TE BREVE

TEMPERATURA MAXIMO 31 GRADO CELSIUS
TEMPERATURA MINIMO 25 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 32 PA 35 GRADO CELSIUS
UV INDEX: 10

BAHADA DI SOLO : 6:47 PM
SUBIDA DI SOLO : 6:59 AM.

BIENTO: MODERA TE BASTA FUERTE FOR DI DIRECCION OOST;
FORSA 4 TE 5 (20 TE 39 KM/ORA, 11 TE 21 NUDO)
DEN DIA FUERTE TE POSIBLEMENTE DURO DEN RAFAGA:
FORSA 6 TE 7 (40 TE 61 KM/ORA, 22 TE 33 NUDO)

SITUACION GENERAL DI TEMPO PA PROXIMO 24 ORA:
E AIRE TRANSPORTA PA REGION LOCAL LO CONTENE
BASTA HUMEDAD Y LO PONE TEMPORALMENTE MAS
NUBIA PASA RIBA REGION LOCAL. ESPECIALMENTE
DEN ORANAN DI MARDUGA I MAINTA POR SPERA UN
AWACERO PASAJERO TE BREVE RIBA CIERTO
PARTINAN DI E ISLA.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE, ROND DI 1 PIA.
NA PARTINAN ZUID: TRANKIL TE MODERA, ENTRE 1 PA 2 PIA.
NA PARTINAN OOST TE NOORDWEST DI COSTA:
MODERA TE LOCALMENTE POCO BRUTO; ENTRE 5 PA 7 PIA;
LOCALMENTE E POR JEGA 8 PIA.

AVISO/ ALERTA:
UN AVISO PA BOTO CHIKITO TA NA VIGOR PA PARTINAN
OOST TE NOORDWEST DI COSTA. OCUPANTENAN DI BOTO
CHIKITO MESTER TENE CAUTELA NA OTRO PARTINAN Y
TAMBE RIBA LAMA HABRI.

FENOMENONAN SPECIAL:
NINGUN

POTENCIAL DI AWACERO PA PROXIMO 24 ORA:
1 TO 3 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 29 / MIN 22 / 7.6 MM
WESTPUNT: MAX 30 / MIN 23 / 5.5 MM
STA ROSA: MAX 30 / MIN 23 / 6.8 MM

PRONOSTICO DI TEMPO PA PROXIMO 3 DIANAN:
LEVE TE PARCIALMENTE NUBLA CU UN AWACERO PASAJERO.
BIENTO LO TA FOR DI DIRECCIONAN OOST Y MODERA TE
BASTA FUERTE, FUERTE TE POSIBLEMENTE DURO DEN RAFAGA;
TEMPERATURA (GRADO CELSIUS) MAX / MIN LO TA: 31 / 25

REFLECCION NA E PERSONA CU A DESVIA DEN ADULTERIO, DEN DIVORCIO Y DEN BRUHANAN



Bo ta casa den e Sacramento y toch bo ta sigi den adulterio. Bo no tabata sa cu pa Dios bo ta keda casa te na morto y Dios no ta reconoce divorcio.

Bo a divorcia pa haya mas libertad y bo ta haci'e consiente. Bo no por ta sigi ganja cu bo ta un cristian y cu bo no a haci nada malo, pasobra esey ta bisto y den claridad.

Bijbel 1 Corinthionan 6: 9 y 10 ta bisa, cu ningun hende cu ta comete of biba den e pika di adulterio, nan lo no drenta den e Reino di Dios, pasobra e ta un pika grandi. Bo no por ta pretende y bisa cu bo a confesa, pero toch bo ta sigi cu e amistad y bo ta sigi haci adulterio.

Tambe bo no tabata sa, cu unabes cu bo consulta cu un bruha, bo ta bira lomba pa Dios, bo ta laga bo fe den Dios un banda y bo ta haci un pika mortal condenabel.

Bruhanan ta discipelnan di satanas y e demonionan ta keda rond di bo, pasobra bo mes a yamanan consientemente.

Bo a cay den trampanan

di perdicion y toch bo ta sigi kere cu bo no a haci nada malo. Bo no tabata sa, ora cu bo ofende Dios cu tur e pikanan grandi y mortal aki, bo ta perde tur e gracionan di Dios, bo ta perde tur e donnan di Dios, bo ta perde e sabiduria y e talentonan di Dios y bo tin di cuminsa full di nobo.

Bijbel 1 Corinthionan 10: 21 y 22 ta bisa, ta con bo por bebe for di copa di Senjor y di e mesun tempo bo ta bebe di e copa di e demonionan? Ta con bo por participa na e mesa di Senjor y tambe di e demonionan? Acaso bo kier provoca e rabia di Senjor? Bo no por ta bay Misa pa hende mira bo y alavez bo ta sigi haci pika. Bo no por ta papia di Cristo-Hesus y alavez bo ta sigi haci pika. Bo no por ta den grupo di oracion y alavez bo ta sigi haci pika.

Bijbel Revelacionnan 21: 6 – 8 ta bisa, ningun di e cobardenan, ningun di esnan infielnan, ningun di esnan den bruheria, ningun di esnan sacadornan di mentira etc., nan lugar lo ta den tanki di candela y di azufre.

Un mensahero di Dios.

NA ESNAN CU TA KERE DEN IMAGENAN DI DIOSNAN FALSO, AMULETONAN Y TALISMANNAN

Tin hendenan conciente y inconciente, nan no sa loke ta di Dios y nan no sa loke ta bini di satanas den e creencianan di supersticion. Hendenan cu ta biba pa biba den pika, ta nan ta usa e sorto di creencianan den amuletonan y den talismannan ariba nan curpa y den nan cas. Hendenan sin fe ta usa tur sorto di amuletonan y talismannan den creencianan mistico, pa proteccion, pa suerte etc.. Nos mester comprende, cu den e culturanan bieuw, den Testament Bieuw e amuletonan y e talismannan tabata hopi usa den e pueblonan pagano.

E hendenan den paganismo tabata usa e amuletonan, talismannan como “magic charms”. E hendenan pagano tabata usa talismannan grandi di satanas y tambe nan ta usa imahennan di diosnan falso den nan cas. Hendenan Cristian mester comprende bon, cu tur e sortonan di amuletonan y imahennan di diosnan falso ta bini di satanas, e.o imahen di dios falso di budda na cadena of na porta, imahen di olifant na muraya, imahen di dragon, creencia den spielnan na muraya of na porta, imagen di dios falso di inca's, di azteca's, di hindu, di egypcionan, creencia den colga aloe den cas of na porta, esnan cu ta pone furu diabolico den cas, creencia den suerte den hoof di cabay, esnan cu ta pone linja cora na man y na pia, creencia den boonchi como amuleto, amuleto den pata di konew, simbolo satanico den “devil horn”, e simbolo di pas satanico



{ crus boca abao kibra den circulo } riba t-shirt etc. etc.

Den Bijbel 2 Reynan 23: 24 ; “Rey Josias a keda conforme den tur e palabranan di e Ley scirbi den e buki, cu e sacerdote Hilkias a encontra den e tempel di Dios. Y tabata asina cu el a laga elimina tur esnan den spiritismo y na esnan den adivinonan, na esnan cu tin idolonan di diosnan falso den famianan y tur sorto di idolonan abominabel cu tabata ser haya den e pais di Huda y den Herusalem”.

Nos mester comprende cu den e di Prome Mandamento di Dios Tata ta bisa: “ Di stima y adora bo Senyor y bo Dios di henter bo curason, di henter bo alma, di henter bo ser, di henter bo sintir y mas cu tur cos den mundo.” Den e Mandamento di Dios Tata aki, ta prohibi hende di kere y di confia den tur e sorto di creencianan supersticionnan, di amuletonan, talismannan, imahen di diosnan falso etc. Hendenan cu tino

mester comprende, cu ta den Dios so nos mester kere y confia nos destino final, cu ta e Gloria Eterna.

Y no den e creencianan den amuletonan, talismannan y simbolonan cu ta bin di satanas. Pasobra esnan cu tin e sorto di amuletonan y talismannan aki, e spiritonan diabolico ta keda rond di nan. Tur e creencianan paganonan aki, ta un pika grandi contra di Dios Su Prome Mandamento.

Den Bijbel Apocalipsis

21: 6 – 8, {Revelacion di Huan}: “Tambe E'l a bisa mi: Ta cumpli! Mi ta Alfa y Omega, Principio y Fin. Esun cu tin sed, pornada lo Mi dun'e bebe di e fuente di e awa di bida. Esun cu triunfa lo hereda esaki y lo Mi ta Su Dios y e'l lo ta Mi yiu. Ma e cobardenan, e infielnan, e perversonan, e matadornan di hende, e fornicadornan, e sirbidornan di diosnan falso y tur e sakadornan di mentira, nan lugar ta den e tanki cu ta kima di candela y zwafel. Esaki ta e di dos morto.”

Muhe maltrata y homber deteni na San Fuego



San Fuego - Diadomingo anochi den careda di 11'or polis a bay un adres den San Fuego, unda cu un homber a maltrata un muhe seriamente.

Patruya mester a bay cu pura e adres.

Na yegada mesora nan a pidi pa transportwagen, ambulance y tambe de-

partamento tecnico di polis.

E homber a wordo deteni y hiba warda. Un patruya a keda pa compila mas dato posibel hunto cu BFTO cu ta e departamento tecnico.

Despues di basta rato ambulance a sali direccion Hospitaal bou sirena y zwaailicht cu e señora.



INVITACION DIARANSON DI SHINISHI Y CAMINDA DI CRUZ 2023 NA PAROKIA BIRGEN DI FATIMA DAKOTA

Diaranson 22 februari: Diaranson di Shinishi. Comienzo di Cuaresma, un tempo pa medita, tempo di abstenecia, yuna y oracion. Nos ta haya 40 dia pa pone nos mes bida na prueba. Nos ta bay den un desierto y laga Dios papia cu nos den nos curason.

S.S. di Misa pa 8'or di mainta y 7'or di anochi.

Diabierna 24 februari: Ta cuminsa cu Santo Rosario pa 5.45 atardi, despues Caminda di Cruz pa 6.30, sigi di inmediato pa S.S. di Misa. Durante e Caminda di Cruz nos ta compana Hesus espiritualmente riba Su caminda pa Calvario, luga di Su morto. Nos ta resa e dia aki for di buki geel.

Reverendo Pastoor Jozef Pelc y Reverendo Diacono Michael Nicolaas ta invita tur deboto, parokiano y pueblo di Aruba en general pa asisti na e celebracionnan ariba menciona y ta recorda cu 40 minuut prome cu cada S.S. di Misa ta resa Santo Rosario y mei ora prome cu SS di misa tin ocasion pa confesa. Rumannan, e tempo a yega pa nos busca Dios di berdad. Nos mester conberti y kere den Evangelio.

Retiro di Cuaresma "Sanacion Integral" na Parokia "Inmaculada Concepcion" Santa Cruz

Pastor Jairo Maduro y Pader José Miguel Nava ta anuncia cu Parokia "Inmaculada Concepcion" Santa Cruz, a invita Padre Jaiden Alfonso Baute Avila di Valledupar, Colombia pa guia un retiro spiritual den Cuaresma. E tema di e retiro ta "Sanacion Integral" y lo tuma luga den Centro San Martin.

E prome dia di retiro ta diasabra, 4 di maart 2023 di 9:00 di mainta pa 5:00 di atardi

E di dos dia ta diadomingo, 5 di maart 2023 di 10:00 di mainta pa 5:00 di atardi.

E costo di inscripcion ta 20 florin y esaki ta pa cubri gasto di lunch pa e dos dianan.

Lo percura pa tur participante haya algo di come y bebe durante dia. Pa saca maximo beneficio di e retiro, ta necesario pa asisti tur dos dia.

E weekend aki (18 y 19 di februari), despues di misa, tin oportunidad pa inscribi y paga e contribucion. Y entre 20 pa 25 di februari, por pasa na oficina pastoral entre 5:00 pm or pa 6.30 pm. E retiro aki ta habri pa parokiano y tur otro persona cu ta desea di tuma parti na e retiro di Cuaresma.

Ta haci un yamada na esnan cu tin un tarea den Iglesia pa inscribí. P.e. sirbidor di misa, integrante di koor, ministro extra-ordinario, lector, collectant, esnan encarga cu preparacion di Bautismo, Prome Santa Comunion y Confirmacion, maestronan di scol, miembronan di gruponan di oracion carismatico y di debocion, boluntarionan cu ta encarga cu nobena y nan participantenan.

Por favor, considera esaki como un invitacion personal. Keda cu e paz y bendicion di Dios. Fraternalmente.



8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

Sopi di Letranan

U U G U A R D I A J O Y E R O N U T

O I G M S I D E P E N D I E N T E T

C X Z E O A T S I C I T E T S E Z K

I P J A T S I T N E D C N K Z M K L

S A Z F A A V E W R F R A Y O E N G

Ú T H U L H M M F P O I A C Q S Z Y

M S V K M O O E S P R A I I O E G G

L I O R A V R O C M F D F R H R O Y

P N R O R K E I T Á É A E U U O J O

R O E T I H T P S M N B P J U I X G

E R L I N D N O U T R I C A G O C E

S C E R E Q I E Q A A R C N R A N O

I U T C R V P T B L O O G O R V K L

D T O S O I R E B D C R T T Y N I O

E O H E L J A Z A I A S E B N E F G

N F D O D R C N N N A R J K S P V O

T I T A O J E E J P O R E D E N A P

E O I T G R R E Z O R E B M O B B S

W N N R T O R O R E I N E G N I Z U

Q I C N I O B E C M E B C U Y N T Z

P O E T A O C A O I R A T E R C E S

ABOGADO

BARBERO

BOMBERO

CARPINTERO

CARTERO

CIRUJANO

COCINERO

CRIADA

CRONISTA

DENTISTA

DEPENDIENTE

ENTRENADOR

ESCRITOR

ESTETICISTA

FLORISTA

GEOLOGO

GRANJERO

GUARDIA

HOTELERO

INGENIERO

JOYERO

MARINERO

MECÁNICO

MÉDICO

MESERO

MÚSICO

PANEDERO

PASTOR

PILOTO

PINTOR

POETA

PRESIDENTE

SECRETARIO

